

# 2 Juaõ

## 2 Juaõ Ryberiti

<sup>1</sup>Jiarỹ dohodỹyna matuari mahãduõ warybe rare. Watyyriti rewahinyreri Deuxu ywisidỹyna hãwyyõ-ò, iriõre-ò. Jiarỹ ibutumy inatyhyerydu mahãdu-wana tiiboho inlyutyhyrenyre. <sup>2</sup>Inatyhyena dori inyworeny-ki ratxireri. Ratxityhyhyymy ratxike. <sup>3</sup>Kia dori inatyhy inydeereny Tate Luuna-di. Deuxu deysana, ruxetõena, ywina adeereny kanakemy watximahãre Deuxu Waha-ribi, Jesuisi Kristu, Iriõre-ribi.

<sup>4</sup>Ariõre mahãduy-ribi inatyhymy ijõ ityhydỹdumy ralore. Kia reeryreu, jiarỹ wadeysatyhyre ariõre Deuxu bede ywina rityhynreriki. <sup>5</sup>Adee arexitõenykre hãwyy. Bede ywina rybe tỹmyra



(2 Joaõ 1.8)

rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹnyreri. Kia heka rare: iny wiluukemy rakatximyhỹrenykemy.

<sup>6</sup>Bede ywina rybe rikityhynhyykeki, kia heka inatyhy luuna rare. Kia bede ywina juhUU Deuxu-ribi taholate.

Tuu txuõ txuõlemy biwinyke.

<sup>7</sup>Sõwemy hãbu itxenadỹydu tyhy kabede-ò dõhõnyde. Tiiboho Jesuisi hãbuwesemy nade rityhynyõlemyhỹre.

Kia itxenadỹy dutyhy tule Kristu õludutyhymy roire. <sup>8</sup>Tamyreny bexiebeny, inyaõmydỹynana aõmysỹdỹynatyhy-di ritaremy iõkõkemy, Deuxu wahidỹynaõwy

ibutumy ritakemy. <sup>9</sup>Inyõ Kristu erydỹynana-ribi rõhõnykeki tule iwitxira erysyna rierynanykeki, tii

heka Deuxu hõrõ aõkõ rare. Inyõ Kristu

erydÿynana-ribi røhònÿøkeki, tii Deuxu dire iriðre dire. <sup>10</sup>Tai tahe itxenadÿÿdu Kristu erydÿynana erydÿÿdu aøkø aheto-ð rehemynykeki, uritere irøtedÿÿømy, irybedÿÿømy. <sup>11</sup>Inÿø rirybenykeki, iaømydÿÿnanabina-ð riwiðhenanyreri.

<sup>12</sup>Jiarÿ warybe søwemy adibutunywãhãde. Urile tyriti-di ariritinyøkre. Arorarenymy dori arakemy watxireri. Kiamy rybe søwemy røhònÿkre inysøwemy reysakremy. <sup>13</sup>Aseriðre Deuxu ywisidÿÿna mahãdu senadu, kia riðre tarybe wehityhyna adee riwahinyreri. Kie.